

(ciep geiz gonq)

Gaengawq swhliu geiq miz roxriu, Raemxdiuqdat Vangzgojsu gvangq miz 81 mij, sang 74 mij. Daxbaenh Dahbwzsuijhoz youq duenh gwnz lij dwg lae ndaej numqnot unqswnh, siengj mbouj daengz de lae hamj caek dat neix le, foedfwd bienqbaenz raemxdoengjsasa, bienqbaenz yiengh ciengzmienh fanh max doxbuet! Daxbaenh de lij dwg caemrwgrwg lae dwk, seizneix cix fat ok gij sing hawj mwngz yaek rwznuk! Mwngz yawj, ga raemxdah daj caek sang bongh roengz lajdat daeuj, gienjhwnj hoenzraemx baenz ciengh sang, varaemx sinz gvaq seiqhenz, baez raen yiengh ciengzmienh neix, lwedndang gou sikhaek riengz de goenj hwnjdaeuj. Youq neix mwngz gag rox naemj daengz “bonghmbin roengz laj sam cien cik, aiq dwg dahmbwn doek lajbiengz” hot sei neix. Yienznaeuz hot sei neix dwg Lij Bwz sij daeuj danq raemxdiuqdat Luzsanh, hoeng seizneix dawz de daeuj danq diuz raemxdiuqdat dangqnaj neix hix

sanjvwnz

Yawjngonz Raemxdiuqdat Vangzgojsu



观黄果树瀑布

□ Luz Yuzganh/陆如刚

gig ngamj. Gou youh siengj daengz Mingzcauz Ciz Yazgwz youq bonjyouzgeiq de yienghneix sij diuz raemxdiuqdat neix: “Lumj cienfanh diuz baengzcaez gaq youq rog dou, raemx sinz gvaq seiqhenz lumj naedcaw ngaiz loenq nei daj dieg sang doek roengz laj daeuj, fugfauz nyonx dwk, bienqbaenz mokraemx swng hwnj sang, yienghcej hungloet ndeyawj”. Gou yawjngonz gvaq geij diuz raemxdiuqdat, doxbeij cix rox, yienznaeuz Raemxdiuqdat Dwzdenh raemx lai youh gvangq, hoeng gou roxnynih de mbouj gaeuq sang; yienznaeuz Raemxdiuqdat Dahmaxlingx caek gaeuq sang, hoeng de youh raemx noix gvaq bouh. Dauqyawj diuz Raemxdiuqdat Vangzgojsu neix, dat sang raemx lai, ndwn youq henzgyawj, roxnynih deih doengh bya ngauz, ciengzmienh ndeyawj! Hix nanzgvaiq de ndaej aen mingzdaeuz “Yacouh daih’it raemxdiuqdat” lo!

Gou ndonj gvaq geh vunzlai, byaij daengz diegyawj yawjngonz. Youq diegyawj yawj, gou yawjraen duzciqungz gyaundeih he gaq gvaq dangqnaj seuqsak bae, lumjnaeuz hawj mwngz yiet fwngz couh gaem ndaej de nei. Gou haeujsim bae yawj, couhcinj raemxdiuqdat coi gij mokraemx yaep gvaq gaeulawz cungj miz, hoeng duzciqungz vanzlij dwg dingh saebsaeb gaq youq dieggaeuq, lumjdwg daegdaengq hawj hekyouz yawjngonz geubuh caet saek de nei. Ciqungz hawj ginggih Raemxdiuqdat Vangzgojsu yienjndaej engq miz hozlig engq funghfu lai yiengh.

Ciuhgeq cienzgangj, ciqungz dwg aengiuz dawz vunzbiengz caeuq mbwn doxlien he, byawz raen ciqungz byawz couh vuenyungz. Dwg lo, gou siengjsiengq, seizneix de cingq yinx gyoengqraez byaij haeuj aen seiqgyaiq maezvaeg he bae, youq ndawde, raeuz ndaej haeujyinx dingqngonz hot gyauhyangigiz youz daswyenz danzciengq he, hawj raeuz roxnynih lumj fiz lumj ngveiz……

Raemxdiuqdat Vangzgojsu, mwngz dwg naedbauj Yinzgvei Gauhyenz! Cienfanh bi daeuj goekraemx miz mwngz mbouj dingz mbouj duenh doengjsasa, Dahcuhyangh cix rox bongh haeuj ndaw rung daihhaj bae! (sat)

Beijyoux Guh Doxhuh Aeu Liu Byaeu Vax

换工打柴火烧砖瓦情歌

□ Fangh Swlunz/方仕伦

Vahgonq: Youq ndawbiengz yienh Vanzgyangh, miz cungj doxbang guhhong ndeu heuhguh “guhdoxhuh, guhvaj”, lumj ranz lawz aeu raemj fwngz coemh cien coemh vax, aenvih hong lai, couh cingj vunz mbanj gyawj haenx daeuj banggoeng, ngoenzlaeng caiq boizgoeng, aeu ngoenz suenq goeng. Yienghneix, gyoengq bouxcoz sai mbwk mwh guhhong couh eu fwenyoux doxdaeuq guhcaemz.

Sai: Neix guh doxhuh bae aeu liu, Byaeu vax ndaw yiuz caj liu coq(yungh); Mwngz nuengx nda daeuj aennaj moq, Cingj cam mingzcoh ndei roxmij.

Duz roegvameiz gwnz nga douh, Cauj duh gwn souh hwnj Byayiu; Neix guh doxhuh bae aeu liu, Byaeu vax ndaw yiuz caj liu coq.

Roeggae raennaj cix doxhaen,

Mbungqmbaj raen daeng cix daeuj coh(lo); Mwngz nuengx nda daeuj aennaj moq, Cingj cam mingzcoh ndei roxmij.

Mbwk: Doxhuh aeu liu daeuj caemh go, Fukndei goj gyo cawjranz ngaeq(gyaez); Coh gou heuhguh nuengx mbwknaeh, Hawj go guh maex mwngz lij yiemz.

Youh haemq mwngz go aen singq coh, Gangj vah ei soh nyaenx cix gyo; Doxhuh aeu liu daeuj caemh go, Fukndei goj gyo cawjranz ngaeq.

Duzvaiz ndaej coh cix youq gaeu, Duzroeg bak gaeuz heuhguh gaeq; Coh gou heuhguh nuengx mbwknaeh, Hawj go guh maex mwngz lij yiemz.

(caengz sat)

Veiz Gozcingh Sangcieng Cawjguenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoub Liuz Giegliui Cioz Siengzzen boiz

Veiz Gozcingh haenhndei gij cingsaenz Fu Canvaz caeuq aen cujsaeq de cienzsimeienh fuzvu hawj lwgminz haenx, muengh de caeuq gij dungzci aen cujsaeq de laebdaeb roengzrengz, baujiz mingzdaeuz, laeb goenglauz moq hawj lwgminz!

Fu Canvaz gig gyo mbaiq gij goengdaeuz swcigih caeuq ndaw si haenx daeuj ngonz de. De naeuz: “Gij

hong dou lij caengz guh ndaej ndei, gvaqlaeng itdingh roengzrengz dem, hawsim dingq gij yigen vunzlai, guh hong fuzvu ndei bae.”

Daj Laeuzhung Bakhuq byaij okdaeuj, Veiz Gozcingh cam gyoengq boux doengzdoh de ngoenzneix ngonz hawciengz le miz maz gamjsiengj?

Yenz Gvanghcaij naeuz: “Doxgaiq menhmenh lai hwnjdaeuj lo.”

Vangz Gwzginz naeuz: “Yawjraen maqmuengh lo.”

Gvangh Yenz naeuz: “Vunzlai najriu lai lo.”

Veiz Gozcingh naeuz: “Deng! Caenhguenj raeuz lij miz haemzhoj, cijaeu cwngcwz deng, guh ndei hong, Guengjsae dingh ngoenz hwng gvaq ngoenz.”

(caengz sat)

Miz boux buzlaux vunzdog ndeu saek ngoenz daengz laeuzhung cawx genj, genj ngamq gai caez, de haemq mbouj angq. Gij dungzci aen cujsaeq neix naeuz: “Daxbuz, caen doiq mbouj hwnj, seizneix mbouj miz genj lo, mwngz louz aen diegyouq hawj dou, caj miz genj le dou doq soengq hawj mwngz, mboujnex mwngz youh deng buet baez dem.” De gaenbonj mbouj saenq miz dingz vunzgaihuq baenzneix simsoh, cij gangj aen cohgai okdaeuj cix deuz lo. Gvaqlaeng, laeuzhung buenq ndaej genj ma le, gij dungzci cujsaeq gonqlaeng bae ra le seiq baez, doeklaeg cix ra deng buzlaux haenx, soengq gaiq genj ndeu daengz ndaw fwngz de. Buzlaux haenx raemxda rim gvaengz, lienzsing naeuz: “Gij vunzgaihuq Laeuzhung Bakhuq caen dwg gangj daengz cix guh daengz, sou dwg gij vunzgaihuq ndei Mauz Cujsiz.”